

MSC-tut akuersissutit ingerlalluarput

Raajat, qalerallit, nipsisat suaat Barentsillu imartaani aalisarneq pillugit MSC-tut akuersissutit tamarmik ingerlalluarput. Qalerallit nipsisallu suaat akuerisaaqqeqqammerput raajallu akuerisaaqqinnissaanut suliniut 2022- mi aallartippoq.

Akuersissutilli pillugit suli unammillernartoqarpoq, ingammik saniatigut pisat nalunaarsornissaat pillugu, unammillernartulli iliuuseqarfiginiarlugit aalisakkerinermik suliaqartut aqutsisullu suleqatigalugit periusissatut pilersaarusiorpugut.

| | | | |
|---------------------------------------|----------------------------|--------------------------|----------------------|
| Raajanut | tunggatillugu | Canadami | suleqatigiinnissamut |
| isumaqatigiissuteqannginnerput | | kisimi | unammillernartuuvoq. |
| Oqaloqatigiinnerit | pitsanngoraluartut | siuariaateqaraluartorlu | siunissami |
| qaninnerusumi | isumaqatigiissuteqarnissaq | naatsorsuutiginnilarput. | |
| Tamanna | pillugu | MSC | oqaloqatigaarput, |
| isumaqatigiissuteqanngikkaluartugullu | | siunissami | qaninnerusumi |

akuersissutitsinnut sunnuteqannginniassammat aaqqiissuteqartariaqartoq taparserpaat.

Qalerallit pillugit unammillernartoq tassaavoq eqalussuarnik saniatigut pisaqaratarsinnaaneq. 2022-mi saniatigut pisarineqarsimasut qanoq annertutiginersut paasiniarlugu utaqqivarput, sulilu annertuppat ajornartorsiut iliuuseqarfiginiarlugu periusissatut pilersaarusiussaagut. Eqalussuit pisarineqaraluartulik uumaannarsinnaanerit nalunaarsorsinnaavarput, imaluunniit saniatigut pisat ikilisarniarlugit aalajangersimasumik iliuuseqarsinnaavugut.

Nipisanniarnermi saniatigut pisat, annermik mitit allerillu SFG-p Pinngortitaleriffik suleqatigalugu 2019-imiit 2022-imut misissuiffigai. MSC-tut akuersissutitsinni piumasaqaatit ilaannut tamanna iluaqutaavoq, mitilli saniatigut pisarineqartartut annertunerujussuat (ukiumut 10-20.000-it) suli unammillernarpoq. Allerit ulorianartorsiortut MSC-mit isigineqarmata saniatigut allernik pisaqartarneq annikkaluarluni ajornartorsiutaavoq. Naggasiutigalugu sanitigut pisarineqartartut nalunaarsorneqarnerisa saniatigullu pisarineqartartut annertussusaasa nikinganerit suli suliasaraarput.



Aqutsinissamut pilersaarutit

SFG nunatta kangiani nunattalu kitaani sinerissap qanittuani qalerallit kiisalu immap naqqa pillugu aqutsinissamut 2022-mi pilersaarusiornermi suleqataapput.

Immao naqqanik aqutsisoqanngimmat nunatta kitaata avataani qalerallinniarnerup siammarnissaa killeqarpoq. Tamanna avannarpasinnerusuni raajarniarnermi aamma ilaatigut atuuppoq. Uumasut assigiinngissitaarnerat uumassusillilu ataqatigiiaarnerisa innarligassaanninnerat illersorneqassaaq, taamaakkaluartorlu aalisartoqarsinnaavoq. Oqimaqatigiissitsineq nassaarineqarlunilu aqutsinissamut pilersaarusiorluni nassuiarneqassaaq, tamatumunngalu SFG 2023-mi suleqataajumavoq.

Nunatta kangiani aalisarneq arlalitsigut nungusaataanilulu MSC-mit malittarisassanut naapertuuppoq. Imma naqqa pillugu aqutsinissamut pilersaaruteqalerpat nunatta kangiani aalisarnerit arlalit MSC-tut akuerisaasinaalissapput. Nunatta kitaani sinerissap qanittuani qalerallinniarnerup aqunneqarnissaanut pilersaarusiornermi annertuumik tunniussaarpugut. Sulineq kinguneqarlunilu ingerlarsorpoq, aalisarnerlu pillugu aqutsinissamut pilersaarusiornerisatta 2023-mi nanginnissaa qilanaaraarput.

MSC-mi maleruagassat nutaat

MSC-p maleruagassatit nutarterniarlugit ukiuni kingullerni sisamani suliniuteqarsimapput. SFG nammineerluni ilassuteqarlunilu nunani tamalaani suleqatigiinneq aqqutigalugu suliamut ilanngussaarpog, sukumiinerusumillu nalunaarsuinissamut piumasaqaatit pillugit immikkut sakkortuumik akkerliisimavoq.

Maleruagassat saqqummeqqammerput, aalisarnerillu nutaat tamarmik 2023-mi maajip aallaqqaataaniit akuerisaanissaminnut qinnuteqartut tamarmik maleruagassat nutaat naapertorlugit nalilersorneqassapput. Aalisarnerit akuersissuteqareersut kingusinnerpaamik 2028-mi novembarimi maleruagassanut nutaanut nooreersimassapput. MSC-tut akuersissutaatigut maanna, imaluunniit piffissami qaninnermi, akuerineqaaqqittussanngormata maleruagassanut nutaanut

nuunnissatsinnut ukiorpassuit ingerlasinnaapput. Illuatungaanik akuersissutit nutaat tamarmik maleruagassat nutaat naapertussavaat. Maleruagassat nutaat aalisarnerit MSC-tut akuersissuteqaannarnissaannut akuersissuteqalernissaannullu assigiinngitsutigut piumasaqaatinik sukaterinerupput. Tamanna annermik aalisarnerit uumassusillit ataqatigiinnerinut (saniatigut pisanut immallu naqqanut) sunnuteqarnerannut minnerunngitsumillu nalunaarsuinissamut piumasaqaatinut atuuppoq. Suliaqartorpaaluit kiisalu aalisarnerup immap naqqanut sunnuteqarnera ingammik MSC-tut akuersissutinik nutaanik pissarsiniarnermi unammillernarsinnaavoq. Maleruagassat nutaat atuutsilernerinut SFG malinnaaqqissaassaaq, maleruagassanullu nutaanut qanoq piareersaateqassanersugut siunissami nalilertarumaarppaa.

